

Rapport digl administratur 2018

En miu quart rapport relatel sur da mias activitats sco administratur dall' entira pleiv. Igl ei puspei stau in onn cun extr'ordinaria bia lavur.

a) Casa pervenda Trun

Uonn havein nus pinau il tetg dalla garascha e fatg si in tschabergal entuorn sin il tgetg sur la garascha dalla casa pervenda. Ultra da quei eis ei vegniu fatg pintgas reparaturas en casa.

b) Schlans

Il mir santeri encunter la casa pervenda era sbullanaus ora al pei sin ina ladezia da biabein 3^m. Quel havein stuviu sanar. En baselgia eis ei stau d'installar in conduct da scaldar l'aua en teschamber. Uonn ei la baselgia vegnida lavada ora dalla dunnas da Schlans, Trun e Dardin. Plinavon lessel era engraziar als gidonters dalla calustra che han fatg si e demontau la stalla da Nadal. Dunna Renata Pfister ha bien quitau dalla caplutta da Nossadunna dalla Neiv. Ella schubregia ed ornescha quella cura ei vegn fatg diever dalla caplutta. Cordial Dieus paghi. A Schlans essan vid regular ina eventuala affittaziun dalla tegia da cuolm, quei drova denton pazienza e temps.

c) Casa pervenda Zignau

Suletamein la lingia d'aua ei stada ruta en curtin. Abstrahau dallas pintgas reparaturas e disturbis dils indrezs cuschina havein buca giu da far pli bia en casa pervenda.

d) Beneficiat Nossadunna dalla Glisch

Suenter pli liungas preparativas e diras contractivas essan vegni a frida cun ils affittaders ed igl Ordinariat da far in contract per schar vi il baghetg per 40 onns, denton senza las tualettas. Quei contract (selbstständig dauernden Baurechts) ei vegnius sancziunaus dalla radunonza generala extraordinaria dil 21 da november e vegnius impurtaus el cudisch funsil dalla Cadi.

e) Beins

Uonn ein negins contract d'affittaziun da praus curdai. Cunquei ch'igl affittader dals praus sper la tegia da Bugliadera ha dau giu siu contract sin la fin da november 2019 havein scret ora da niev per ina nova perioda da 6 onns d'affittar.

f) General

Ussa hai gleiti cataloghisau tut ils objects ed ils praus dallas differentas fundaziuns. Jeu hai ussa ina buna documentaziun e registau la facultad dallas fundaziuns. Aschia ei ina buna survesta dils beins stabels avon maun. Ins sa nua tgei ei.

Jeu engraziel cordialmein als ugaus capluttas per lur buna lavur sco era a tuts quels che han susteniu mei duront gl'entir onn ora.

Benedetg Albin